



INATSISARTUT

Aningaasaqarnermut Akileraartarnermullu Naalakkersuisoq

Ulloq: 10. januar 2024

J.nr.: 01.31.06/23-01065

Aningaasaqarnermut Ataatsimiititaliap marlunngornermi ulloq 9. januar 2024-mi aalajangiineranik Naalakkersuisunut ilisimatitsineq.

Ilaqutariinnut meerartalinnut sammititanik isumaginninnikkut matussusiissutinik suliniutinik aallartitsineq. Ataatsimiititaliap suliaa nr. 01.31.06/24-01065. **NUKINGIUS-SAQ.**

"Naalakkersuisut **inassutigaat**,

- 2024-mut ilassutitut aningaasaliissutinut inatsisissamut siunnersuummi kontomut pingaarnermut 24.11.10 Nioqqutissanik eqqussuinermi akitsuutit sukknut akitsuutip atorunnaarsinneqarnera oqaasertaliussanik ikkussisoqassasoq,
- 2024-mi ilassutitut aningaasaliissutinut inatsisissamut siunnersuummi konto pingaarnermi 31.03.20, Ineqarnermut tapiissutit, oqaasertaliisoqassasoq ineqarnermut tapiissutit ikiliartortinnissaannut killigititamik qaffaasumik,
- Kontomi pingaarnermi 20.05.20 Kommununut ataatsimoortumik tapiissutit 2024-mi aningaasaliissutit 2,9 mio. kr.-nik ilaneqassasut
- Kontomi pingaarnermi 24.11.10 Nioqqutissanik eqqussuinermi akitsuutit 2024-mi aningaasaliissutit 12,3 mio. kr.-nik ilaneqassasut,
- Kontomi pingaarnermi 31.03.20 Ineqarnermut tapiissutit 2024-mi aningaasaliissutit 4,4 mio. kr.-nik ilaneqassasut
- Kontomi pingaarnermi 30.01.02 Isumaginninnermut Aqutsisoqarfik 2024-mi aningaasaliissutit 0,327 mio. kr.-nik appartinneqassasut,
- Kontomi pingaarnermi 30.10.45 Meeqqat inuusuttullu immikkut ittumik suliniuteqarfigineqarnerat 2024-mi aningaasaliissutit 0,250 mio. kr.-nik appartinneqassasut
- Kontomi pingaarnermi 30.10.48 Isumaginninnikkut peqqissutsikkullu pinaveersaartitsineq 2024-mi aningaasaliissutit 0,250 mio.kr. -nik appartinneqassasut.
- Kontomi pingaarnermi 34.11.08 Atornerluisunik katsorsaanissamut pilersaarut 2024-mi aningaasaliissutit 1 mio.kr.-nik appartinneqassasut
- Kontomi pingaarnermi 70.10.03 Sillimmasiinerit 2024-mi aningaasaliissutit 1,573 mio.kr.-nik appartinneqassasut,
- Kontomi pingaarnermi 77.05.08 Avatangiisinut aningaasaateqarfik 2024-mi aningaasaliissutit 1 mio.kr.-nik appartinneqassasut
- 2024-mut IST-p inernerat 15,2 mio.kr.-nik ajornerulissaaq"

Aningaasaqarnermut Ataatsimiititaliap oqaaseqaatai apeqqutaalu

Suliamik suliarinninnermut atatillugu Naalakkersuisunut apeqquteqarnissaq ataatsimiititaliamit aalajangiunneqarpoq.

Apeqqu 1:

Sukkunik eqqussuinermit akitsuutip 1. januar 2024-mi 0-imut appartinneqarneranik kinguneqartumik konto pingaarnermut 24.11.10-mut, nioqqutissanik eqqussuinermit akitsuutitut tunngasumut, oqaasertaliussaq nr. 3-mik nutaamik ilanngussinissaq Naalakkersuisunit inassutigineqarpoq.

Sukkunut akitsuutip atorunnaarsinneqarnera innuttaasunut, inuussutissarsiortunut inuiaqatigiillu ataatsimut isigalugit qanoq kinguneqartussat Naalakkersuisunit naatsorsuutigineqarnerasoq erseqqinnerusumik paasissutissiissutigineqassasoq ataatsimiititaliamit kissaatigineqarpoq.

Ilaqutariinnut meerartalinnut sammititanik isumaginninnikkut matussusiissutitik suliniutitik aallartitsinissaq pillugu ilassutitut aningaasaliissuteqarnissamik qinnuteqarnermut Naalakkersuisut isummernissaannut tunngavissiamut ilanngussaq tassunga atatillugu ataatsimiititaliamit innersuussutigineqarsinnaavoq. Ataatsimiititaliap suliaa nr. 01.31.06/23-01059. Allakkiami allassimavoq sukkumut akitsuutip peqqissutsimut siuarsaataanera atorunnaarsitsinissamut illuatungiliisoq, taannami nerisassanut peqqinnangitsunut toqqaannartumik akitsuutaamat. Kiisalu allakkiami allassimavoq akitsuutitik appartitsinerup akit apparriarnerannik nassataqarnissaa qulakkeerneqarsinnaanngimmat, tassa pisiniarfiit akitsuutitik appartitsinerup kingorna akigitititik aalajangiisimaannarsinnaammatigit.

Apeqqu 2:

1. Iliuserisassami matumani pineqartumi tunisassiat sorliit ilaatinneqarnerisut Naalakkersuisunit erseqqissarneqassasoq ilaqutariinnut meerartalinnut sammititanik isumaginninnikkut matussusiissutitik suliniutitik aallartitsinissaq pillugu suliaq (ataatsimiititaliap suliaa nr. 01.31.06/23-01059) pillugu aalajangiinnerminut allakkiamini ataatsimiititaliap kissaatigaa. Apeqqu taanna Naalakkersuisut 15. december 2023-mi akissuteqaatitut allakkaminni akisimangimmassuk, akineqarnissaa ataatsimiititaliamit eqqaasitsissutigineqarpoq.
2. Konto pingaarnermut 24.11.10-mut, nioqqutissanik eqqussuinermit akitsuutitut tunngasumut, aningaasaliissutitut suliasami kisitsisissatut naatsorsuutigisanut takusutissiami allassimavoq sukkunut sukkulaatinullu akitsuutitut 2024-mi 62 mio. kr.-inik iluanaarutigineqarnissaat naatsorsuutigineqartoq.
 - a) Taaguut "sukkut" siuliani taaneqartoq sunorpiaq tunngatinneqarnerasoq paasissutissiissutigineqassasoq siuliani apeqqummut nangissutitut ataatsimiititaliamit kissaatigineqarpoq.
 - b) Sukkunut akitsuutip peerneqarneratigit iluanaarutissaq taanna 50 mio. kr.-erluinnangajannut appariassaaq. Taaguut "sukkulaat" sunorpiaq tunngatinneqarnerasoq aammalu tunisassiat sorliit pineqarnerisut paasissutissiissutigineqassasoq ataatsimiititaliamit kissaatigineqarpoq.

Apeqqu 3:

Missingersuutitut ilanngussat oqaasertaliussallu suliamut attuumasut misissorneranni kukkunerit ersarissut arlallit ataatsimiititaliamit paasineqarput, taakkulu Naalakkersuisunit iluarsineqarnissaat ataatsimiititaliamit naatsorsuutigineqarpoq. Ilassutitut aningaasaliissute-

qarnissamik suliasat pitsaassusiannik qulakkeerinnittarneq sukateriffigeqqullugu Naalakkersuisut ataatsimiititaliamit kaammattorneqarput.

Ilassutitut aningaasaliissuteqarnissamik suliasat Aningaasaqarnermut Akileraartarnermullu Ataatsimiititaliamit suliarineqartussatut nassiunneqartut Naalakkersuisut isummernissaannut tunngavissiamik ilaqarnermik saniatigut aningaasaliissutitut allannguutitut qinnuteqaatigineqartunut tamanut missingersuutitut ilanngussamik imaluunniit oqaasertaliussamik imaqartussaanerata ataatsimiititaliamit Naalakkersuisunut eqqaasitsissutigineqassaaq. Naalakkersuisut isummernissaannut tunngavissiat missingersuutinullu ilanngussat allanik ilaqartinatik atuarneqarsinnaasussaapput.

Taamaattumillu suliami matumani, missingersuutitut ilanngussat nutaat 5-it ilanngunneqarneranni missingersuutinullu ilanngussat marluk siusinnerusukkut ilimasaarutigineqartut tunuartinneqarneranni, Naalakkersuisut isummernissaannut tunngavissiaq nutartigaq ataatsimiititaliamit amigaatigineqarsimavoq.

Ilassutitut aningaasaliissuteqarnissamik suliami nassiunneqaqqaartumi aningaasalersuutisatut siunnersuutigineqartut pinnagit allanit aningaasalersuinissap qinnuteqaatigineqar-nissaani isumaliutit naliliinerillu suut tunngavigineqarsimanersut pillugu ilisimatinneqarnissani ataatsimiititaliap kissaatigaa.

Ilassutitut aningaasaliissuteqarnissamik suliasanut tamanut piunasaqaatit siuliani allassimasut maannamiit malinneqarnissaannik Naalakkersuisut ataatsimiititaliamit kaammattorneqarput.

Kontot pingaarnerit matuma kingulianiittut imarisaannut ataatsimiititaliap oqaaseqaatai:

24.11.10 Nioqqutissanik eqqussuinermit akitsuutit (Isertitatut aningaasaliissutit)

Missingersuutitut ilanngussap danskisuuani titarnermi siullermi oqaatsit “søges øget” aningaasaliissuteqarnissamik qinnuteqarnerup siunertaanut missingersuutinullu ilanngussami titarnerup tullianut toqqaannartumik akerliupput.

Konto pingaarnerup matuma 12.300.00 kr.-inik ilaneqarnissaa allassimammat ataatsimiititaliamit erseqqissaatigineqassaaq. Pineqartorli tassaagunarpoq kontop pingaarnerup ilanngarneqarnissaa.

31.03.20 Ineqarnermut tapiissutit

Oqaatsit “tapiissutit appartikkiartornerisa qaffanneqarnerat” atornerat naammattumik ersarissusilimmik nassuiaataanngitsoq ataatsimiititaliaq isumaqarpoq. Appartitsiartortarnermut killiliussaq ulloq 1. januar 2023-mi annertussutitut atuuttumut sanilliullugu 10.000 kr.-mik qaffanneqarnerata suliami pineqarnera oqaasertaliussamut nutaamut nassuiaatini ajunngilluinnartumik nassuiaatigineqartoq ataatsimiititaliaq isumaqarpoq. Taarsiullugu allanneqarsinnaavoq pineqartoq tassaasoq “ineqarnermut tapiissutinik appartitsiartortarnermut isertitatigut killiliussap 10.000 kr.-inik qaffanneqarnera”.

77.05.08 Avatangiisinut Aningaasaateqarfik

Missingersuutitut ilanngussap danskisuuani titarnermi siullermi oqaatsit atorneqartut “søges øget nedsat” toqqaannartumik paatsuunganartut ataatsimiititaliaq isumaqarpoq.

Ataatsimiititaliamit naatsorsuutigineqarpoq missingersuutitut ilanngussat Naalakkersuisunit pisariaqarneratut iluarsineqassasut. Missingersuutitut ilanngussat oqaasertaliussallu iluar-sisat kinguarsaanertaqanngitsumik tiguneqarnissaat ataatsimiititaliamit naatsorsuutigi-neqarpoq.

Aningaasaqarnermut Ataatsimiititaliap aalajangenera

Siuliani allassimasutut oqaaseqarluni aammalu missingersuutitut ilanngussani kukkunerit amigaatillu siuliani allassimasutut kinguarsaanertaqanngitsumik **iluarsineqarnissaat piu-masaqaatigalugu** Naalakkersuisut inassuteqaataat ataatsimiititaliamit **akuersissutigine-qarput**.

Inussiarnersumik inuulluaqqusillunga



Aasi Chemnitz Narup

Aningaasaqarnermut Akileraartarnermullu Ataatsimiititaliap siulittaasua